



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 17 БАСПАСӨЗ Р Е Л И З 1
2011 жылғы 1 шілде**

***Қазақстан Республикасы Тәуелсіздігінің
20 жылдығына арналған номиналдық құны
10 000 теңгелік ескерткіш банкнотты
айналысқа шығару туралы***

Қазақстан Республикасының Ұлттық Банкі 2011 жылғы 4 шілдеде Қазақстан Республикасы Тәуелсіздігінің 20 жылдығы құрметіне арнап номиналдық құны 10 000 теңгелік ескерткіш банкнотты айналысқа шығарады.



Ескерткіш монетаның дизайны айналыстағы ақша белгілерімен бірыңғай стильді сақтай отырып жасалды: бет жағындағы суреттер негізінен тігінен орналасқан, сырт жағында – көлденеңінен. Басым түсі – күлгін көк түсті.

Банкноттың бет жағында Астана қаласының он жылдық мерейтойы қарсаңында ашылған және Қазақстанның тәуелсіздігін паш ететін «Қазақ Елі» монументінің бейнесі орналасқан. Банкноттың төменгі оң жағында үйлесім, бейбітшілік пен келісімді білдіретін ұшып жүрген көгершіндер бейнеленген.

Бет жағында негізгі қорғаныш элементтері болып табылатын: самұрық мифтік құс түріндегі сұтамғы белгі, металсыздандырылған полимерлі жолақтан тұратын мөлдір орында ою-өрнек пен банкноттың номиналы бейнеленген. Көгершіндердің біреуі бояудың түсі құбылып тұратын технологияны пайдалана отырып бейнеленген, қарау бұрышын өзгерткен кезде оның түсі жасылдан алтын түстес болып өзгереді. Қазақстан Республикасы Президентінің қолы және банкноттың шығарылған жылы бейнеленген түсі құбылып тұратын қағазға енгізілген «үзік-үзік» емес тұтас қорғаныш жіп алғаш рет қолданылды.

Сырт жағында банкноттың ортасында негізгі сурет «Ақ Орда» Президент сарайы бейнеленген. Жоғарғы сол жақ бұрышта «ҚАЗАҚСТАН ТӘУЕЛСІЗДІГІНЕ ЖИЫРМА ЖЫЛ» деген жазу бар, оның астында Тәуелсіздіктің 20 жылдығын мерекелеу логотипі орналасқан. Банкноттың сырт жағында бірқатар қорғаныш элементтері бар: мөлдір орын және ескерткіш жазудың астында жарыққа тосып қарағанда көрінетін «ОН» деген сөз түріндегі жасырын бейне. Сондай-ақ банкнотты қолдан жасаудан қорғау үшін сырт

жағында жарыққа тосып қараған кезде бет жағындағы бөлікпен тұтасып көрінетін бейненің бір бөлігі кескінделген.

Ескерткіш банкноттың өлшемі 2006 жылғы үлгідегі 10 000 теңгелік банкноттың өлшеміне сәйкес келеді (149x79 мм).

Банкноттың таралымы 30 миллион дана.

Қазақстан Тәуелсіздігінің 20 жылдығына арналған ескерткіш банкнот заңды төлем құралы болып табылады және төлемнің барлық түрлеріне және ақша аударымына міндетті қабылданады.

Барынша нақты ақпаратты мына телефондар бойынша алуға болады: +7 (727) 2704 639, +7 (727) 2596 833; E-mail: press@nationalbank.kz (www.nationalbank.kz)